

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 42 (1956)

Artikel: [Poesias]
Autor: [s.n.]
DOI: <https://doi.org/10.5169/seals-882214>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>

Sco deputau

Il pievel, quel eleg' il preferiu
en qualitads, il meglier en savid' e buns
e tut quels sabis van bugen engiu,
sch'ei lu tunschess, — entochen Bern culs duns! —

Ded ir' a Bern, quei cletg ha strusch mintgin,
denton! gl'emprem silmeins cuntents sco deputau —
ti zapperlot! vestgius sc' in ver bambin
e dignitad e peisa schai el tgau! —

En sala! — buc' el tempel culs docturs —
mo sil cateder — bia gasettas e pupi —
tut cumadeivel denter tons signurs
e lu! aunc tenta uonda e rispli! —

Schizun! in dètg métun!, sto gnanc tschintschar —
mo sesa en siu plaz, sc'in vut en in sontget, —
sch'ei fa basegns, sa'l spert tgei ch' el sto far —
e quei! — nuot auter, — che tener si det! —« L. C.

In aunghel!

Sei la matta d' in barun,
ni — la feglia d' in rehun? —
en quei nobel bi vestgiu,
il cavez e tgau tundiu —
suenten moda la bellezza
e lunsch freda da noblezia.

Cun cadeinas ed anials
e tgei peis schi fins e bials —
bein la biala el hotel
e schi lonzia sc'in gattel! —
lu! — cun ina garmaschia
marscha ella per la via.

Gl' ei in aunghel! fai enclin! —
quel salida strusch mintgin —
ha schanetg de la lavur —,
mo ei feglia ded in pur
che ha fatg empau cariera —
el hotel — »sco cameriera!«

L. C.

Fiasta campestra

Mirei sils praus il sunadur, verds siu tschiep cun pezs sigl ur.
La gigia ei siu instrument, ch'el porta cun sesez stupent.
Ei l'aur' endretg per in concert, societad dat ei bein spert.
Baus e tschitas, zirps e gregls culs saleps fan leghers segls.
Mo pli dascus resunan tuns finets de strusch udir ils suns,
D'aviuls e mustgas e muschins ein ils accords discrets e fins.
Il cauld sulegl po buc vertir, planari schnech sto star el stgir.
Davos in crap ei' l cupidaus, da tut il trup eis el sgomiaus.
Planari schnech neu ord il stgir, vul nuot in tec cun nus
sedivertir?
Glimari plum lai tut vargar: gl'ei nuota spass in schnech restar.

La fin della fiasta

Mo l' aura sestrida en in temporal,
La plievi' ei vegnida pertut sur la val,
Gest aunc sgulavan tras l' aria libellas,
Saleps galoppavan cun lur parentellas,
Sunavan lur gigias e'l caul dil sulegl,
Sil schnech mo miravan cun sprech e smarvegl.

Nu'ein las triolas de quels musicants?
Fan nuot oz cambrolas sco ier quels brigants!

Cun forza risveglia uss' ord siu lagugn
Plaunet la glimaia; 'gli plai il favugn.
Ell' anfla vivonda restada sil plaz.
De fiasta schi gronda, dil sault e sulaz.
Amiez la marletga ha tutt' aunc cletg;
Mo n' in ei perdetga dil schnech el deletg.

-nz-